



# Комсомолю Вайгяль

Сембе масторонь пролетариятне, пуромода марс!

ЛИСЕНДИ VIII-де КИЗОСЬ

ВЛКСМ-нь Мордовский  
обкомт и Саранский  
горкомт газетасна.

Адрес: г. Саранск, Советская ул.,  
Дом печати, Телефон № 1-60.

ПИТНЕЦ 5 тр.



ЛИСЕНДИ КОВТИ 12-ксть

## Вишконтес агитационно- пропагандистский комиссиатнен работаснон

ВЛКСМ-нь ЦК-ть XI пленумонч  
решениянч коряс ВЛКСМ-нь гор-  
комтнен и райкомтнен видеса  
организовандафт агитационно-про-  
пагандистский работат колга ко-  
миссият.

Нят комиссиатнен задачасна  
ащи сянъ эса, штоба таргамс ком-  
сомольский работати активт и  
цебяргофтомс тьян вельде ком-  
сомолса пропагандистский дея-  
тельностьт, малатфтомс комсомоль-  
ский активт районнай комсомоль-  
ский организацият эрь шинь жи-  
вой работанцы.

Кола вяфнесазь перестройкань  
васенце шитне, тья интереснай ра-  
ботати састь сядат инициативнай,  
энергичнай од комсомолецт, конат  
могут тиес лекцият и докладт.

Мордовиянь комсомольский ор-  
ганизациясь, йотафнемок эряфс  
ВЛКСМ-нь ЦК-ть XI пленумонч  
решениянзон, сатсь эсь работа-  
сонза аф кржа сатфкста. Агита-  
ционно-пропагандистский комисси-  
янь председателхне Березников-  
ский районца—Бекшаевсь, З. По-  
лянскыйста—Лобановсь, Инсарский  
районца—Соколовсь аф тратямок  
лишай пингт разнай "организа-  
ционной" кизефксненди, эстакиге  
кярмодсть практической работа-  
ти.

Бекшаев ялгась комиссиянч  
укомплектовандазе инь чебяр  
активиста, конат пцтай сембе  
аделазь ВКП(б)-ть Краткый  
курсовц тонафнеманд. Сембе  
члеттне кандхть определеннай  
заданият. Членда башка комис-  
сият активса лувондовхть 18 ак-  
тивист. Комиссият составса эвон-  
дасть лекторхт, пропагандистт,  
кода, Горбуновсь, Гордеевсь, Сто-  
ляровсь, Сарайкинц и лама лият.  
180 агитатор йотафнихть паксяса  
колхозникнен йоткса беседат.

Аф калдыа творческий иници-  
ативасна Лобанов и Соколов ялгате-  
нен, конат тяфтажа энергична  
пашкоткшнесазь эсь задачаснон.

Но аф сембе комиссиянч пред-  
седателхне нинге поделовому  
кярмодсть тья тевти. Ардаговаста  
—Окалиновсь, Ширингуиста—  
Каньковась, Ладаста—Ямановсь  
работаснон перестраиваюг пях са-  
ворста, аф ставя, кода мярьгонди  
ВЛКСМ-нь ЦК-сь эсь решениясон-  
за.

Эрь комиссиати эряви мяляф-  
томс, што комсомольский рабо-  
тань одукс тиесамс должен йот-  
вемс стама знак ала, штоба моби-  
лизовандамс эрь комсомолецт  
партият и правительстват исто-  
рический решениянзон успешнай-  
ста пашкодемс, сотнекшнемок тьян  
марксистско-ленинский теорият  
тонафнеманд мархта.

## НУМАТНЕН АДЕЛАЗЬ ЦЕБЯРЬ КАЧЕСТВА МАРХТА

М. Мазкань велень "XVIII-й парт-  
с'езд" колхозсь аделазе пакся-  
та сьоронь урядаманч. Трудонь  
оцю производительность нйфгсть  
нуматнен пингста А. Тумановат  
и П. Дьяковат звенасна, конат  
работань нормаснон фалу пях-  
коткшнесазь кафтонь крда.

В. Мирышкин.

Ст. Синдревский р-н.



Осоавилхимонь Сталинский аэроклубт аэропромсонза (Моску) беседовандахть  
М. С. Авдолимов инструкторт группанч лиендемандон колга.

Кяржи ширде види шири: кемонце классонь выпускникне летнай подготов-  
кань курсантне-отличникне В. К. Быков, Н. Т. Колотухин, Ю. К. Максимов,  
О. Э. Фрейденфельд, И. И. Колесников и М. С. Авдолимов инструкторт.

Фотось В. Егоровт. (Фото-клишесь ТАСС-ть).

## Колхозонь паксяста

### УШЕДСТЬ ЯРОВОЕНЬ УРЯДАМА

Пурдошанский район. Туманов-  
ка велень "Герой труда" колхозса  
августть васенце шинцы аделазь  
розень урядамат. Колхозникне  
Ломакина Е. Н., Ломакина А. А.,  
Анаева А. П., Малофейкина А. С.,  
Цыбазова Н. К. и лама илят ра-  
ботань нормаснон фалу пашкоткш-

незь вельф. Тьян колхозса вию-  
та моли яровой сьоронь урядамась.  
Комсомолецне: Ломакин А. М.,  
Анаев П. Ф., Анаев И. М. и Сафо-  
нов тья работаса эрь шиня рабо-  
тань нормаснон пашкоткшнесазь  
200 процентти модемс.

Дм. Ломакин.

### Эрь шиня 12 трудши

Ковылкина. "Од Шямонь" кол-  
хозса ВКП(б)-нь ЦК-ть и СССР-нь  
Совнаркомт сьоронь урядамат и  
государствати сьоронь максомат  
колга постановлениядот меле, ла-  
мода кеполсь трудонь производ-  
тельностьт. Колхозниксь Фомазов  
Тимофейсь работай пулфонь уск-  
сема тевса. Тья работаса сон эрь

шиня тиенди 12 трудши. Трудонь  
оцю производительность работаса  
сатсь колхозниксь Шудников Па-  
велске. Сон веялкаса понжафнезь  
вете шити тись 30 трудши. Ро-  
манов и Шудников ялгатнен работ-  
тань опытсна максеве сембе кол-  
хозникненди.

Н. Никитин.

### Получайхть лама сьора

Саранский район. Колхознен  
инь ламосна тья кизонда получасть  
оцю урожай. Николаевский велень  
советонь Чкаловт лемса колхозсь  
озимой и яровой культуратнен  
коряс средняйста эрь гектарть  
лангста саясь 18—20 центнер уро-  
жай. Колхозникне тья кизонда по-  
лучайхть фкя трудшити 9—10  
килограммат сьороса, 309 грамм  
куяр, 500 грамм капста, 50 треш-

никт ярмакса и лама нинге корма-  
са.

Оцю урожай сатф "Путь Лени-  
на" колхозсонга. Тья фкя труд-  
шити сашенды 5 килограммат сьо-  
роса и 50 трешник ярмакса. Аф  
тяда кржа эрь трудшити полу-  
чайхть "Красная Ивановка" кол-  
хозста колхозникневок.

Митрошин.

### Колхозса эрь работась почетнай

Инь чебяр колхозниккокс лу-  
вондовхть Слободичовка велень  
комсомолецне. Комсомолецсь Вла-  
димир Никитинц колхозса эрь  
работат лувондсы почетнайкс.  
Сон примосесь активной участия  
тундань видеамат эса. Фкя пинге  
ванц свав участкат, а мекольдень  
пингт работась паренань двоима-  
са. Порученнай тевт сон фалу  
пашкоткшнесазь вельф.

Комсомолкась Ермакова Мариясь  
работай сьоронь сортированда-  
маса, сон ульсь ударникакс и пул-

фонь сотомасонга. Колхозонь сче-  
товодсь комсомолецсь Ермаков  
ялгась чебярста ладязе колхозса  
трудонь учетт.

Но эряви азомс, што первичнай  
комсомольский организацият сек-  
ретарец Михайлов ялгась калдыа-  
ста лезды нят комсомолецненди,  
аф корхни мархтост, да комсо-  
мольский собраниятка йотафни  
пях шуроста. Тья аф сатыксть Ми-  
хайлов ялгати эряви машфтомс.

А. Абакумова.

Ковылкинский район.

## СПОРТОНЬ ЗАСЛУЖЕННАЙ МАСТЕРХНЕ-ФУТБОЛИСТТНЕ

Спортивной оцю достижения-  
кса и советский футболт разви-  
тияса оцю заслуганкса, максф спор-  
тонь заслуженнай мастеронь зва-  
ния футболонь 5 известнай мас-  
терхненди: А. Старостини, Г. Фе-  
дотови, М. Якушини, А. Аки-  
мови и С. Ильини.

(ТАСС).

## Школась анок ушедомс тонафнемат

Марнек Ромодановань районца  
фкя инь инголи моликс и образ-  
цовайкс лувондовсь и лувондови  
Куриловский средняй школась.

Ся живописнай садса, пандонять  
прясса рошаса, коса лама кизот  
равжа кранч манашкатне кодсезь  
эсь шобда тевонь пизоснон, тьян  
кизоста-кизос келеми Курилов-  
ский школась.

Социалистический культурань  
тя питомникась эрь кизоня товаф-  
ни пцтай тьожаньшка пионер и  
школьник, Ленинско-Сталинский  
комсомолт лучшей сменац.

Школань директорсь Богатырев  
ялгась, аф ваномок эсь калдыа  
шумбра шинц лангс, Куриловский  
партийнай организацият и ком-  
сомолт эрь шинь лезкснон вель-  
де школати йотафтсь образцовой  
ремонт.

Аф ваномок сян лангс, што ре-  
монтонь йотафтомс Ромодановань  
райфось тьячимс ашезь нолда яр-  
макт, школати марафт од 5 гол-  
ландкат, архтф и петф школать  
крышац, петф сембе школьной  
инвентарсь и рамаф 4000 цалко-  
вайнь питне нагляднай учебнай  
пособия, лия велень ученикненди  
аноклаф общежития, и аноклаф  
80 кубометра пенгя, лиякс мярь-  
гомс ся, мезе ашесь директорть  
Богатыревт эзда, тиф.

Но эряви азомс, што Ромодано-  
вань районось тьячимс изь куча  
школати математикань, немецкий  
кялень и географиянь преподава-  
тельхть. Эряви тья тевса МАССР-нь  
Наркомпроть ширде максомс кон-  
кретнай лезкс.

Г. Горный.

## Аделазь озимонь видемат

Саранский район. Белогорский  
велень советса "Труд" колхозсь  
районца васенцесь аделазе ози-  
монь видеамат. Августть 15-це  
шитонза видефт илядыкс атак  
видек пакшкятне. Почвась ульсь  
инголкиге лац аноклаф и сембе  
148 гектар площадсь видефт Лиси-  
цин сорт кандиционный видьмоса.  
Видефть качествац чебяр. Виде-  
мась йотафтф нюрхкяня пингста  
—сембоц вете шиста.

Тьян инголи видеф участкатнен  
лангса пижелдыхть нй чебяр и  
дружнай лисьфкятне.

Тяда башка, тьякажа шиня ози-  
монь видеамась аделаф Берсеневка  
велень "Новый мир" колхозть  
эсонга.

М. А.



## КОМСОМОЛЬСКИЙ ЭРЯФСЬ

Комиссият улихть, а  
тев аш

(Спецкороньконь эзда)

ВЛКСМ-нь Атюрьевский райкомсь ВЛКСМ-нь ЦК-ть XI-це пленумонц решениянзон коряс организованвандась 4 постоянный и фкя временной комиссият. Формальная йотафтф работаса эрявикс перестройка. Можналь учемс, што тяти районной комсомольский организациясь кармай работама ламода сяда цебарьста ингольцексть коряс, но тева ся нинге аф няеви. Комиссиятне ульсть организовандафт нинге июльте 25-це шистонза, но работама эздост нинге фкявок ашезь кярмотькшне.

Эряви азомс, што комиссиянь пуроптомати ВЛКСМ-нь райкомсь ванць аф серьезна. Комиссиянь четтнень инь ламосна райкомонь бюроса кемокстафт заочна, мезень сюнеда ламоц синь эздост, кода Ломакин, Старостина, Васякина и лама лия ялгат тянемс афи содасазь, што синь ашихть комиссиятнень эса членкс.

Сьора урядамань кампаниять йотафтоманц колга комиссиясь нинге вестенге изь кочкесв, штоба обсудить тя кампаниять мархта сотф кизефкснень. Тя комиссиять членонза районца колхознень эса ульсть аныцек весть. А школьной од ломаттнень и пионерхнень йоткса работать коряс комиссиясь нинге йофси работати ашезь кярмотькшне. Сонь председателец Авдонина ялгась работай пионерский лагерьса, мезень сюнеда райцентраса эряй пяк шуроста. Тяфтажа нинге ашезь кярмотькшне работати культмассовой и агитационно-пропагандистский работати коряс комиссиятневок.

Сембе тяфтама положениась азонкшневи райкомть комиссиянь кочкамати аф серьезнай отношенианц мархта, сон формальна организованвандась комиссият и тиконь лангс лоткась. Вдь тя нинге аф сембе, райкомовец ялгат!

Шлаев.

Атюрьевский район.

## Монь работань опытозе

ВЛКСМ-нь Мордовский обкомть V пленумонц решениядонза меле ВЛКСМ-нь Б. Березниковский районной комсомольский организациясь сатсь аф кржа сатфкт.

Сядонга вишкомсь комсомолть работац ВЛКСМ-нь ЦК-ть XI пленумонц решениядонза меле.

Кодак райкомть пленумоц кемокстамань агитациянь и пропагандань комиссияти председателкс, мон эстакиге энергичнай-ста кярмодень комиссиять укомплектованиянцы и активть мархта работати.

Комиссиясь, коча ащи 10 ломаньца, кочкаф инь цебарь, политически грамотнай комсомолец-ста. Например, Коновалов, Малыханов, Мариськин и Ланцев комсомолецне йотасть партията историйнц сембе главонзон, а Анисимовсь тонафнесы—9-це главонц. Четтнень эзда ламось тиендихть комсомолецнени лекцият и доклатт. Комиссиять активса лувондови членда башка 18 комсомолец-активист. Комсомолецне, кода Горбуновсь, Гордеевсь, Столяровсь и лият тиендихть лекцият и доклатт, комиссияти макссхть оцю лезкс.

Комиссиять организовандамдонза меле четтнень мархта йотафтф кафта заседания. Васенце заседаниясь ульсь организационнай, азондоск четтнени комиссиять задачанзон, максоме порученият, кемокстама работань план. Омбоце заседаниять эса

проверякшнеск поручениятнень пашкоткшмаснон. Комиссиянь четтне—Малыхановсь, Ланевсь, Ромашкинць тейст максф заданиятнень пашкодезь аф калдывста.

Проверямок комиссиять виини мархта, кода моли первичнай комсомольский организациятнень эса ВКП(б)-ть историйнц тонафнема, лихтьф, што 18 комсомолец йотасть сембе 12 главатнень. Синь йотксост активистне—Моснякинць, Коробовась, Чалдушкинась, Кротовсь, Князевась и лиятне йотасть партията историйнц тонафнема III-це звенать коряс.

Тяни районца комсомолецнени организовандафт политграмотань 14 кружок, конатнень эса тонафни 272 ломань. Пропагандистне Сарайкинць, Манакинць и лиятне тийсть ламонь занятия ни.

Сьора урядама кампанияса 180 комсомолец работайхть агитаторкс. Инь цебарь агитаторхне, кода, Фадеевсь, Кажайкинць, Галкинась и лиятне йотафть 12—20 беседа. Агитаторсь Галкинась организовадась пионерский культбригада.

Анокламок руководящей комсомольский органонь кочкаматнени минь комиссияньке тернесь совещания и кучесь райцентрань активть эзда вели представительхть лезксонь максома. 44 комсомольский организацияса обсуждадаф кочкаматнень колга инструкциясь.

БЕКШАЕВ,

Агитациянь и пропагандань комиссиянь председателсь.

## ПИОНЕРХНЕ ЮКСТАФТ

Мекольдень пионерский сборсь минь школасонк ульсь майть 14-це шистонза. Тяс пионервожатайсь Шумкин ялгась лувозе тейнек каникулань пингонди работань планонц, кованц коряс ковти нилекс эряволь йотафнемс пионерский сборхт. Йотасть колма кофт, а сбор нинге фкявок ашель. Вожатайсь Шумкинць юктазень пионеронзон, а ся аф и няфни тейст

привок. Тейнек вожатайфтома и апак налхксекшнек скучнайста марявсь пингсь.

Эняльдтама ВЛКСМ-нь Ельниковский райкомти шарфтомс мяль Каньгужень пионерский организациять лангс и ладямс пионерхнень йоткса работати.

И. Кирдяев.

Ельниковский район.

## ФКЯ ШИСТА—ВЕТЕ ВЕЛЕТ

— Алло, кие телефонца корхтайсь?.. сторожсь.. Ага...

— Так вов, сторож ялгай,—маряви вайгяль,—Кузнецова Марфань содасак?—Вов азк тейнза, што сай комсомолонь райкомста представитель, катк сон мезевон тии комсомольский собраният анокламати колга. Шарьхкодемь?

— Шарьхкодемь шарьхкодемь. Но минь велесонк улихть ли синь, сят вона, кода мяргат, комсомолонь секретарьхне?

Макаровкаса сторожсь нинге афи кенерсь якамс Кузнецовати, а райкомонь представительсь пачкодсь ни вели и видеста кяли колхознай правлениять ширес, сонць руциянц мархта нарни ливонзон.

— Так вов, конач тяса председателсь? — сувамок кизефтезе уполномочнайсь. А, тон? А конач сторожсь? Немедленна якада Кузнецова Марфань инкса. Азость, што комсомолонь райкомста сась представитель, катк кочкай комсомольский собрания.

— Коста сон кочкай собрания, кда сонь аш фкявок комсомолецон, пшкядсь кой мзяра ломань колхознай правленияса.

— Нинге колхознай руководителят, а эсь кадратнень, комсомолецнень аф содат. Вов, мзяра колхознай тракта? Мзяра алаша-

да?—кармась кизефнема представительсь. А, А.. А мзяра комсомолецта аф содасайть... значит тон комсомолецнень мархта аф интересовандафат.

— Позволь, представитель ялгай. Комсомолецнень мархта заинтересованная, но коста синь сясвайть. Да содасайть, кда синь ашет минь колхозсонк. Вов Марфань, Кузнецовать, кода и комсомолкань содасазь сембе колхозникне, но сон ськамонза. Комсомольский организациясь минь велесонк срадсь нинге 1937 кизоня. Илядсь скамонза Кузнецовась, сон и секретарь и подчиненнай комсомолка. Тейнза кода ёфси аф грамотнай стирнянди, организациясь сяда оцюста ашезь касфтов, а лезкс комсомолонь райкомть ширде ашель. Мон вов колмоце кизось тяса работан, няян ВЛКСМ-нь райкомть ширде васенце представитель.

— Тя улемс не может. Мон ба мулине тяса комсомолецнень, но эряскадан иля велес. Но всетаки молян тянь колга звоняй райкомти.

— Посоп, комсомолонь райкомсь? Кие? Тима?—дайка секретарть.

— Да, секретарсь кулхонды,—карги вайгяльса отвечай секретарсь.

— Тя Макаровкаста Шишеников корхтай, содасак мезе? Тяс кол-

хозникне, сьака лувксса и председателсь корхтайхть, што колхозост и вообще велесост аш комсомольский организация!

— А кода, секретарь ули?

— Да, Кузнецовась.. синь корхтайхть, што комсомолец аш.

— Кода стянй, секретарь ули, а комсомолец аш! Чепуха! Содак лацкас тя тевть,—указовась вельф почтеннай секретарсь.

— Вдь тейне тяти эряви ётамс 5 велет..

— Но эста, ладна, стегатьсьядатов, а Макаровкать колга саят калыкондатама.

— Ну, ладна, тон, председатель ялгась, всетаки кода руководитель, займись тя тевть мархта. Работак комсомолецнень ёткса, тонаердотьяйкак, массать эзда. До свидания,—цуть аф прянь сивдезь тусь ласькозь представительсь эсь маршрутонц коряс.

Шарьхкотф, секретарть мархта телефонца корхтамась представитель нинге сядонга кеподезе мяленц, и сон буряк ёгазень маршрутса азф велетнень. Нинге шись вярель мрдась меки райкому. А райкомса тага тевда.. То телефонца звонямс, то директива сьрмадомс, сняра "тев", што ваномс Макаровкань тевть таки ашезь сав. Аф секретарсь, аф представительсь пинге тянди "ашезь мушанда".

М. Сайгин.



СНИМКАСА: Саранский райононь Буденнайть лемса колхозонь комсомолкась Маруся Зологовась кочкай славонь пиже куфтлхт.

Фотось А. Ивановть

Финляндиянь премьер  
министрь Рютинень речец

Хельсинки, августь 20-це шистонза. (ТАСС). Августь 18-це шистонза радио вельдеазсь речь Финляндиянь премьерминистрь Рюти.

Финляндиять стака экономический положенианц колга корхтамста, Рюти азозе, што финляндский правительствась примоси мерат сянди, штоба сай тьялось афоль уль вачела тьялкс. Рюти эсь речсонза основной мяль шарфть советско-финляндский отношениатнени. Рюти корхтай, што основной меропрятнень, конат арьсефт СССР-ть и Финляндиять йоткса мирнай договорть коряс, йотафтф ни эряфс. Государственный одграничась, корхтась Рюти, йотафтф ни, соответствующий документтне ратифицировандафт и фкя-фкянди максф.

Мирнай договорть коряс тиф торговый договорсь Финляндиять и СССР-ть йоткса, сяда тов корхтась Рюти, панчси кели возможность вишке торговляти. Кемиярви—Кандалакша машинакись, кона тяти строяви возможнай быстротаса Финляндиять территория-яса и ковань пец СССР-ть территорияса аделаф ни, ламода кармай лездема кафке странатнень йоткса железнодорожной сообщенияти. Меки тийф станежа телефоннай, телеграфнай связсь.

Сяда тов Рюти корхтась Советский правительствать согласианц колга СССР-ти йотаф Финляндиять территориянзон архивсон максомаснон колга. Советский правительствась, корхтай Рюти, азозе эсь добрай волянц сянй колга, што макссь возможность Финляндияв эряма йотамс СССР-ти йотаф территориятнень эзда населениати, конач тянди ульсь мялец.

Рюти азозе сяда тов, што финляндский правительствась примазе СССР-ть предложениянц Аландский острофнень демилитаризацияснон колга.

Меколи Рюти признал, што Финляндиять и СССР-ть йоткса отношениатнени кеме фундаментонь гиёмась гарантирует кафке странатнень йоткса экономический отношениатнень развитияснон и сяда товонга.

Ответ. редакторсь И. ЧУДАЙКИН.